

Ե. Հ. ՔԱՍՈՒՆԻՆԻ, Ռուբեն Ա և Ռուբինյան իշխանության հիմնադրությունը.
ՊԼյուս, 1972, 93 էջ:

Վերջերս Ռևուրթում լույս տեսավ նրվանդ Քասունու մենագրությունը՝ նվիրված Կիլիկիայում հիմնադրված Ռուբինյանների թագավորության նախահայր Ռուրեն Ա-ին:

Այդ հարցին հայադեաներն անդրադարձել են ոչ մասնավորապես, այլ առանձին թեմաների ասնչություններով, նրվանդ Քասունու այս աշխատությունը բազմաթիվ արխիվային փաստաթղթերի, հայերեն և օտար լեզուներով առկա դանազան սկզբնաղբյուրների քննություն է, որը կարևոր է հայ ժողովրդի միջնադարի պատմության կնոսոտ հարցերից մեկը լուսաբանելիս:

Ռուրեն Ա-ի մասին թե՛ հայ և թե՛ օտար մատենագիրները տարբեր ու հակասական կարծիքներ են հայտնել: Խճճված ու իրարամերձ են Ռուրեն Ա-ի կենսագրական տեղեկությունները, չի հստակված նրա կայր հայոց վերջին թագավոր Գաղիկ Բ Քաղատունու հետ և այլն:

Հայ մատենագիրներից Հեթում պատմիչը և Մխիթար Այրիվանեցին Ռուրենին համարում են թագական Գաղիկայ, ներսես Պալինեցը, Վահրամ Լարունին, Սամուել Անեցին գրում են. թե Ռուրենը թարնառու Գաղիկայ էր:

Մաթևոս Ուռհայեցին և Սմբատ Սուրաբակտր գրեթե նույնն են հաղորդում. բստ մեկի՝ Ռուրենը թի ղորացն Գաղիկայ էր, բստ մյուսի՝ թիշանացն Գաղիկայ: Վարդան Արևելցին վկայում է, որ նա թեր յաղատաց Գաղիկայ:

Տարբեր կարծիք կա նաև Ռուրեն Ա-ի ծագման վերաբերյալ: Դավիթ Բաղիշեցին գտնում է, որ Ռուրենը թՍենեքերիմանցս տոհմից էր: Իսկ Հեթում Բ նրան համարում է սասսունցիս: Իրարկոս Գանձակեցին Ռուրենին հիշատակում է նրա որդու կապակցությամբ՝ Կոստանգին սորդուց թագաւորագինն Ռուրենայ:

Այս հակասական կարծիքները, անշուշտ, ազդել են հետագա ուսումնասիրողների վրա:

Ե. Աղոնցը ժխտում է Ռուրենի կապը թե՛ Գաղիկի և թե՛ ընդհանրապես Քաղատունիների հետ: Անտեսելով հայ մատենագիրների վկայությունները, Ռուրեն Ա-ին նա շփոթել է Բյուզանդական կայսրության մեջ գործող ինչ-որ «Ռուրենիս» հետ: Գրախոսողը մենագրության հեղինակը գրում է. «Հակառակ Աղոնցի կատարած ընդարձակ ուսումնասիրության, շուտով կարելի կլլլան նշմարել անոր աշխատասիրության բռնագրոսիկ բնթացը» (էջ 42):

Նրվանդ Քասունին հանգամանորեն համադրելով գրեթե բոլոր մատենագրական տեղեկությունները, եզրակացնում է, որ Ռուրեն Ա-ի մասին հավաստի տեղեկություն են հայտնում Մաթևոս Ուռհայեցին և Սմբատ Սպարապետը, որոնք թհստակօրեն կարենալ ըսելու թե Ռուրեն կսեր, հայաստանցի ազատներու ընտանիքն մը, և որպես Գաղիկ Բ-ի աղատներեն մեկը, իրր գինվորական կմնար անոր ծառայութան մեջ: Ռուրեն հետեած էր իր տիրոջ, անոր զահագրկումեն հոք այլ Հետագային՝ Կոստանգին, իր հորը օրինակին հետեելով, մտած էր Գաղիկի բանակին մեջ» (էջ 45):

Այսպիսով, մենագրության հեղինակը ժխտում է այն կարծիքը, թե Կոստանգինը հղել է Գաղիկ թագավորի գինվորներից մեկը, բանի որ նա այդ ժամանակ ութ տարեկան էր և չէր կարող գինվորական ծառայության մեջ լինել: Բստ Ե. Քասունու՝ Գաղիկ թագավորը, երր Անիից գուրս եկավ, Ռուրենը, որպես հավատարիմ իշխաններից մեկը, իր ընտանիքով ուղեկցեց նրան: Հետագայում Կոստանգինը հոր հետ նվիրվում է գինվորական ծառայության: Գաղիկ թագավորի մահից հետո նրանք գալիս են Կիլիկիա և ամրանում Ամանոս լեռան անառիկ վայրե-

՝ Այսպես, օրինակ, Մ. Չամչյանի կարծիքով՝ Ռուրենը սյազգականութենէ Գաղիկայ արքայինս (Պատմութիւն հայոց, հ. Գ, Վենետիկ, 1786, էջ 6), իսկ բստ Ղ. Ալիշանի՝ նա թ...մերձաւոր էր Գաղիկայ» (Սիստուան, Վենետիկ, 1885, էջ 44): Նղիա Ս. Քասունին նրան դիտում է Արժրունիների ցեղից սերված, հիմօ ունենալով թԳաղիկի հետ ազգականական կապը» (Քիլարտոս հայը», էջ 55) և այլն:

րում, որտեղ «ժամանակի իրավակարգն ընկալված, անոնք ստիպված էին ընդունելու Փիլարտոսի գերիշխանությունը» (էջ 74): Իրավացի է ուսումնասիրողը, երբ գրում է, որ Ռուբեն և Կոստանդին ինքնագլուխ ոչ մեկ զործ կրնային տեսնել այնքան ատեն, որ Փիլարտոսը մնար կացություն տերը» (էջ 74): Միքայել Ասորին այդ մասին գրում է. «... և ոմանք ի Կիլիկիա՝ որք կոչին որգիք Ռուբինայ, ի Փիլարտոսէ իշխանացեալ ի տեղիս տեղիս» (աժամասակագրություն, էջ 406):

Բարձր զնահատելով Երվանդ Քասունու գրախոսվող մենագրությունը, կցանկանալիք, այնուամենայնիվ, անել մի քանի դիտողություններ: Հեղինակը օգտվելով զանազան հայագետների աշխատություններից, զրանցից քաղվածքներ բերելով, անտեսել է առկա վրիպումները:

Հայտնի է, որ Ռուբենից շատ առաջ հայ իշխաններ ու թագավորներ իրենց հայկական ժառանգությունը հանձնելով բյուզանդական կայսրությանը, փոխարենը Կիլիկիայում և Կապադովկիայում, որպես սեփականություն, ստացան քաղաքներ, գյուղեր և կալվածքներ: Այդպիսիներից էին Վասպուրականի թագավոր Սենեքերիմ Արծրունին, Կարսի թագավոր Արասի որդի Դագիկը և ուրիշներ: Ահա այս ավատական իշխանություններն էին, որոնք միավորվելով բարենպաստ պայմաններ ստեղծեցին Կիլիկիայում Ռուբինյանների հայոց իշխանության հիմնադրման համար: Իսկ Ռուբինյանները Կիլիկիայում հանդես եկան որպես այդ նպատակի համար մարտնչող առաջամարտիկներ:

Մենագրությունը կշահեր, եթե ունենար անձնանունների և աշխարհագրական անունների ցանկ:

Այսուհանդերձ՝ Ռուբինյանների և Ռուբեն իշխանին նվիրված Երվանդ Քասունու սույն մենագրությունը լուրջ ներդրում է հայ միջնադարի պատմության այդ կնճռոտ հարցի լուսարանման գործում:

Ա. Գ. ԳԱԼՍՏՅԱՆ

Պատմական գիտությունների դոկտոր